



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel. (032)878-877

fax (032)879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-691/23

Datum:28.02.2023.. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. Zakona o javnim nabavkama Bosne i Hercegovine («Službeni glasnik Bosne i Hercegovine» br. 39/14 i 59/22), na svojoj 43. sjednici održanoj dana 28.02.2023. godine, donosi

ODLUKU

o izboru najpovoljnijeg ponuđača

za nabavku brzih testova, test kaseti i traka – LOT 2 Testovi za infektivne bolesti

Član 1.

Okvirni sporazum za nabavku brzih testova, test kaseti i traka – LOT 2 - Testovi za infektivne bolesti za JU „Dom zdravlja“ Zavidovići, za period od 12 mjeseci, dodjeljuje se ponuđaču **Broma bel d.o.o. Banja Luka**.

Član 2.

Ponuda ponuđača **Broma bel d.o.o. Banja Luka** u provedenom konkurentskom zahtjevu za dostavljanje ponuda bila je prihvatljiva ponuda i imala je najnižu cijenu, te će se ovom ponuđaču ponuditi Okvirni sporazum za nabavku brzih testova, test kaseti i traka – LOT 2 Testovi za infektivne bolesti za JU „Dom zdravlja“ Zavidovići, u ukupnom iznosu od **1.617,80 KM bez PDV-a**, što sa PDV-om iznosi 1.892,83 KM.

Član 3.

Ponuda ponuđača Semikem d.o.o. Sarajevo, odbacuje se kao neprihvatljiva shodno članu 68. stav 4. tačka i), jer ponuda ne ispunjava zahtjeve iz tenderske dokumentacije u pogledu procjenjene vrijednosti nabavke.

Član 4.

Izabrani ponuđač će morati dostaviti original ili ovjerenu fotokopiju kvalifikacione dokumentacije u roku od 8 dana, od dana zaprimanja ove odluke, a kako je to navedeno u tenderskoj dokumentaciji i to:

a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

e) rješenje o registraciji ili izvod iz sudskog registra sa prilogima o registraciji djelatnosti koja je predmet javnog nadmetanja,

f) važeća potvrda (rješenje) o upisu u registar proizvođača ili veletrgovaca medicinskih sredstava izdato od Agencije za lijekove i medicinska sredstva BIH.

Član 5.

Ova odluka stupa na snagu danom donošenja.

Obrazloženje

Obavještenjem o nabavci br. 638-7-1-41-3-28/23 koje je objavljeno na portalu javnih nabavki dana 01.02.2023. godine i u „Službenom glasniku BiH“, broj: 7/23 od 03.02.2023. godine i br. 638-7-1-41-8-33/23 koje je objavljeno na portalu javnih nabavki dana 10.02.2023. godine i u „Službenom glasniku BiH“, broj: 11/23 od 17.02.2023. godine, pokrenut je konkurentski zahtjev za dostavljanje ponuda za nabavku brzih testova, test kasete i traka – LOT 2 Testovi za infektivne bolesti.

Tendersku dokumentaciju za predmetnu nabavku, sa portala javnih nabavki preuzelo je 19 ponuđača i to: PHARMA MAAC D.O.O., BROMA BEL D.O.O. BANJA LUKA, BANJALUKAFARM-PLUS DOO BANJA LUKA, PHARMACON DOO ŽEPČE, EKAPIJA DOO, R&S D.O.O. SARAJEVO, SEMIKEM D.O.O. SARAJEVO, BBS EUROPE, FARMAVITA D.O.O., IDS-ZDRAVA SREDINA D.O.O, FARMALOGIST ALLBIX, "TUZLA-FARM" D.O.O. TUZLA, SPEKTROLAB D.O.O., TKAONICA ĆILIMA D.D., KRAJINAGROUP D.O.O. BANJA LUKA, CEE-MED D.O.O., GLOBEX D.O.O. ZENICA, BAUERFEIND D.O.O. i SANAM STYRKA D.O.O.

Izmjene i dopune tenderske dokumentacije, broj: 01-2.12-356/23 od 10.02.2023. godine, sa portala javnih nabavki preuzelo je 9 ponuđača i to: EKAPIJA DOO, SEMIKEM D.O.O. SARAJEVO, "TUZLA-FARM" D.O.O. TUZLA, BROMA BEL D.O.O. BANJA LUKA, PHARMA MAAC D.O.O., FARMAVITA D.O.O., SANAM STYRKA D.O.O., CEE-MED D.O.O. i KRAJINAGROUP D.O.O. BANJA LUKA.

Izmjene i dopune tenderske dokumentacije, broj: 01-2.12-407/23 od 13.02.2023. godine, sa portala javnih nabavki preuzelo je 8 ponuđača i to: FARMAVITA D.O.O., SANAM STYRKA D.O.O., EKAPIJA DOO, "TUZLA-FARM" D.O.O. TUZLA, BROMA BEL D.O.O. BANJA LUKA, SEMIKEM D.O.O. SARAJEVO, CEE-MED D.O.O. i KRAJINAGROUP D.O.O. BANJA LUKA.

Na adresu JU "Dom zdravlja" Zavidovići, za LOT 2 - Testovi za infektivne bolesti, dostavljene su dvije ponude i to: Broma bel d.o.o. Banja Luka i Semikem d.o.o. Sarajevo.

Komisija za javne nabavke (u daljem tekstu: Komisija) izvršila je otvaranje ponuda dana 20.02.2023. godine u Sali za sastanke u JU «Dom zdravlja» Zavidovići u 15,25 sati, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da jedna ponuda odgovara uslovima iz tenderske dokumentacije, odnosno da je prihvatljiva ponuda, a da je druga ponuda neprihvatljiva.

Neprihvatljivom je ocijenjena ponuda ponuđača Semikem d.o.o. Sarajevo.

Ponuda ponuđača Semikem d.o.o. Sarajevo neprihvatljiva je jer cijena prelazi planirana, odnosno osigurana novčana sredstva ugovornog organa za predmetnu nabavku.

Članom 2. stav (1) tačka 1) podtačka 2) Zakona o javnim nabavkama ("Službeni glasnik BiH", broj: 39/14 i 59/22), propisano je da je ponuda dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji, te da ponuda može biti: "neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta".

Tenderskom dokumentacijom, u tački "7. KRITERIJ DODJELE OKVIRNOG SPORAZUMA I CIJENA", propisano je da je kriterij za dodjelu okvirnog sporazuma najniža cijena, a u podtački "7.1. Procijenjena vrijednost javne nabavke", iskazana je procijenjena ukupna vrijednost za LOT 2 u iznosu od 1.650,00 KM, te je istaknuta napomena koja glasi:

"NAPOMENA: CIJENA PONUDE NE SMIJE BITI VEĆA OD PROCIJENJENE VRIJEDNOSTI ZA SVAKI POJEDINI LOT. U protivnom, ponuda će se smatrati neprihvatljivom u skladu sa članom 2. stav (1) tačka 1) Zakona o javnim nabavkama."

U skladu s iznesenim je i praksa Agencije za javne nabavke, koja je izdala savjetodavno mišljenje, broj: 04-02-1-2387/22 od 18.11.2022. godine, u kojem se navodi da se neprihvatljivom ponudom smatra ponuda čija vrijednost prelazi planiranu vrijednost ugovorog organa ili vrijednost osiguranih sredstava prije početka postupka javne nabave, te da se u otvorenom postupku javne nabavke i konkurentskom zahjevu za dostavu ponuda, neprihvatljivost ponude cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.

U skladu s iznesenim, ponuda ponuđača Semikem d.o.o. Sarajevo, odbačena je shodno članu 68. stav 4. tačka i), jer ponuda ne ispunjava zahtjeve iz tenderske dokumentacije u pogledu procijenjene vrijednosti nabavke.

Nakon provedenog postupka ocjene prihvatljive ponude prema utvrđenom kriteriju-najniža cijena, Komisija je dala preporuku da se ponuda ponuđača **Broma bel d.o.o. Banja Luka prihvati** kao najpovoljnija za nabavku brzih testova, test kasete i traka – LOT 2 - Testovi za infektivne bolesti za JU „Dom zdravlja“ Zavidovići, koja je u provedenom konkurentskom zahtjevu za dostavljanje ponuda, imala najnižu cijenu u ukupnom iznosu od **1.617,80 KM bez PDV-a**, što sa PDV-om iznosi 1.892,83 KM.

U ovom postupku nabavke predviđeno je provođenje e-aukcije.

Nakon pregleda i ocjene ponuda za nabavku brzih testova, test kasete i traka – LOT 2 - Testovi za infektivne bolesti za JU „Dom zdravlja“ Zavidovići, utvrđeno je da je samo jedna ponuda prihvatljiva, usljed čega nije ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine), jer je u članu 3. istog Pravilnika propisano: “U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.”

Kako se e-aukcija nije mogla zakazati ovaj ugovorni organ je postupio u skladu sa članom 3. Pravilnika o uslovima i načinu korištenja e-aukcije i mišljenjem Agencije za javne nabavke br. 04-02-2-1924-2/17 od 10.05.2017. godine.

U mišljenju Agencije za javne nabavke navedeno je da ukoliko smo u postupku javne nabavke zaprimili jednu prihvatljivu ponudu, a bili smo predvidjeli provođenje e-aukcije, koju nismo mogli zakazati, jer smo zaprimili samo jednu prihvatljivu ponudu, možemo nastaviti postupak nabavke i saglasno članu 69. stav (1) tačka a) Zakona, dodijeliti ugovor, te da informacije o predviđenoj e-aukciji i neodržavanju iste trebamo navesti navesti u zapisniku o evaluaciji ponuda.

Kako ugovorni organ nije imao mogućnost da zakaže planiranu e-aukciju iz razloga što je primio samo jednu prihvatljivu ponudu, to je okončao ovaj postupak nabavke u skladu sa članom 69. Zakona o javnim nabavkama, odnosno dodjelom ugovora ponuđaču koji je dostavio prihvatljivu ponudu u skladu sa zahtjevima iz tenderske dokumentacije.

Cijeneći pravilnost provedenog konkurentskog zahtjeva za dostavljanje ponuda za nabavku brzih testova, test kasete i traka – LOT 2 - Testovi za infektivne bolesti za JU „Dom zdravlja“ Zavidovići, te datu preporuku od strane Komisije za javne nabavke odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbu putem ugovornog organa u pisanoj formi direktno, elektronskim putem ako je elektronsko sredstvo definisano kao način komunikacije u tenderskoj dokumentaciji ili preporučenom poštanskom pošiljkom u najmanje tri primjerka.

DOSTAVLJENO:

1. BROMA BEL d.o.o. Banja Luka
2. Semikem d.o.o. Sarajevo
3. a/a

**PREDSJEDNIK
UPRAVNOG ODBORA:**
Melić Elvir, dipl. pravnik

